

BOSNA I HERCEGOVINA  
CENTRALNA IZBORNA KOMISIJA  
SREDIŠNJE IZBORNO POVJERENSTVO



БОСНА И ХЕРЦЕГОВИНА  
ЦЕНТРАЛНА ИЗБОРНА КОМИСИЈА

**P R A V I L N I K**  
**o izmjenama i dopunama Pravilnika o provođenju izbora**  
**u Bosni i Hercegovini**

Sarajevo, maj 2020. godine

Na osnovu člana 2.9 stav (1) tačka 2. i 7, a u vezi s članom 1.5, 5.3 stav (1), 5.4, 5.6 stav (2), 5.7 stav (1), 5.21, 5.22 stav (1), 5.26 stav (1), 5.27 stav (1) i (29), 5.29 i 5.32 stav (2) i Poglavlja 14. Izbornog zakona Bosne i Hercegovine („Službeni glasnik BiH”, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), Centralna izborna komisija Bosne i Hercegovine je, na 20. sjednici održanoj 06.05.2020. godine, donijela

## **P R A V I L N I K**

### **o izmjenama i dopunama Pravilnika o provođenju izbora u Bosni i Hercegovini**

#### **Član 1.**

Član 11. Pravilnika o načinu provođenja izbora u Bosni i Hercegovini („Službeni glasnik BiH“, br. 29/18, 62/18 i 69/18) se mijenja i glasi:

#### **„Član 11.**

**(Zapisnik o radu biračkog odbora – član 5.7 stav (1) Izbornog zakona BiH)**

**„(1) Za svako biračko mjesto, birački odbor dužan je da vodi Zapisnik o radu biračkog odbora ZARBO (u daljnjem tekstu: Zapisnik o radu biračkog odbora) koji je sastavni dio ovog pravilnika. Zapisnik o radu biračkog odbora je sačinjen tako da svaka stranica ima svoju kopiju na kojoj se preslikavaju podaci upisani na stranici. Za biračke odbore u Brčko distriktu BiH sačinjen je Zapisnik o radu biračkog odbora koji ima dvije originalne stranice i koje imaju svoje kopije.**

**(2) U Zapisnik o radu biračkog odbora se upisuju podaci navedeni u članu 5.7 stav (1) tačka 1. do 4. Izbornog zakona BiH, te primjedbe i mišljenja člana biračkog odbora, biračaili akreditiranog posmatrača vezano za proces glasanja na način propisan članom 5.7 stav (2) Izbornog zakona BiH.**

**(3) U slučaju da je članu biračkog odbora, biraču ili akreditiranom posmatraču onemogućen upis primjedbe ili mišljenja u Zapisnik o radu biračkog odbora iz stava (2) ovog člana, svoje primjedbe ili mišljenja mogu dostaviti direktno izbornoj komisiji.**

**(4) Zapisnik o radu biračkog odbora se dostavlja Centralnoj izbornoj komisiji BiH u skladu sa članom 62. stav (9) ovog pravilnika, a izbornoj komisiji u skladu sa članom 43. stav (1) ovog pravilnika.“**

#### **Član 2.**

U članu 15. stav (9) se mijenja i glasi:

**„(9) Predsjednik i članovi biračkog odbora odgovorni su za osiguranje i pravilnosti, tajnosti glasanja, pravilno brojanje, evidentiranje glasačkih listića i ispravno pakovanje izbornog materijala na biračkom mjestu.“**

U istom članu iza stava (9) dodaju se novi stavovi (10) i (11) koji glase:

**„(10) Predsjednik i članovi biračkog odbora moraju biti prisutni tokom cijelog procesa glasanja, uključujući i proces brojanja glasačkih listića shodno odredbi člana 5.5 Izbornog zakona BiH, osim u slučaju kada je potrebno obaviti glasanje na drugom biračkom mjestu za koje su upisani u izvod iz Centralnog biračkog spiska ili zbog zdravstvenih i drugih opravdanih razloga nisu u mogućnosti da nastave dalje da obavljaju svoje dužnosti.**

(11) Predsjednik biračkog odbora je obavezan da obavijesti izbornu komisiju o potrebi njegovog odsustva ili odsustva članova biračkog odbora sa biračkog mjesta, kako bi izborna komisija mogla angažovati njihove zamjenike da dođu na biračko mjesto i preuzmu njihove funkcije. Predsjednik biračkog odbora je obavezan da sve promjene osoblja na biračkom mjestu evidentira u dio Z3 Zapisnika o radu biračkog odbora „Evidencija o prisustvu.“

### Član 3.

U članu 17. u stavu (3) u tački i) iza riječi „procesom“ dodaju se riječi „i stavljati mišljenja ili primjedbe na izborni proces u Zapisnik o radu ili predati iste u pisanoj formi, uz obavezan potpis.“ .

### Član 4.

U nazivu člana 19. riječi „Identifikacija i izdavanje glasačkih listića“ zamjenjuju se riječima „**Identifikacija, izdavanje glasačkih listića i glasanje**“.

U istom članu u stavu (2) iza riječi „jednoj od“ dodaje se riječ „slobodnih“ i rečenica „Nakon popunjavanja glasačkih listića birač ih presavija tako da se zaštiti tajnost glasa i ubacuje ih u glasačku kutiju“ se zamjenjuje rečenicom „**U glasačkoj kabini u isto vrijeme smije da se nalazi samo jedno lice, osim ako se radi o biračima iz člana 21. ovog pravilnika.**“

U istom članu dodaje se novi stav (3), (4), (5) i (6) koji glase:

**„(3) Ispunjavanje glasačkog listića na biračkom mjestu je tajno, glasanje je lično. Predsjednik i članovi biračkog odbora dužni su da osiguraju tajnost glasanja i onemogućće da neko lice glasa umjesto drugog lica pod njegovim imenom ili da ponovo glasa.**

**(4) Nakon popunjavanja glasačkih listića birač ih presavija tako da se zaštiti tajnost glasa i jedan po jedan glasački listić ubacuje u glasačku kutiju. Član biračkog odbora zadužen za kontrolu glasačke kutije vodi računa da svi glasački listići budu ubačeni u glasačku kutiju.**

**(5) U slučaju da birač ne ubaci sve glasačke listiće koji su mu izdati na biračkom mjestu, član biračkog odbora zadužen za kontrolu glasačke kutije upozorit će ga da je obavezan da to uradi. Ako se birač ogлуši na ovo upozorenje, predsjednik biračkog odbora će u Zapisnik o radu biračkog odbora da evidentira ovaj slučaj, zapisujući i podatke s identifikacionog dokumenta birača.**

**(6) U slučaju da birač pokuša u glasačku kutiju ubaciti glasački listić koji se po boji ili na drugi način razlikuje od originalnih glasačkih listića koji se izdaju na biračkim mjestima, član biračkog odbora zadužen za kontrolu glasačke kutije obavijestit će o tome predsjednika biračkog odbora, koji će prekinuti proces glasanja i uz intervenciju policije taj glasački listić oduzeti biraču. Predsjednik biračkog odbora će u Zapisnik o radu biračkog odbora evidentirati ovaj slučaj, zapisujući i podatke s identifikacionog dokumenta birača. O navedenim slučajevima predsjednik biračkog odbora odmah obavještava izbornu komisiju.“**

Dosadašnji stav (3), (4) i (5) postaju stav (7), (8) i (9).

## Član 5.

U članu 62. stav (3) se mijenja i glasi:

**„(3) Po dobijanju naredbe iz stava (2) ovog člana, izborna komisija vrši pripreme za brojanje na način da imenuje tim za otvaranje vreća i brojanje glasačkih listića u skladu sa članom 21. Pravilnika o utvrđivanju kvalifikacija i postupku imenovanja članova biračkih odbora koji će vršiti brojanje glasačkih listića u cilju pravilnog objedinjavanja utvrđenih izbornih rezultata i pisanim putem obavještava akreditovane posmatrača koji imaju pravo posmatrati rad izborne komisije i ovog tima, o mjestu i vremenu navedenog brojanja glasačkih listića.**

Izborna komisija organizuje brojanje glasačkih listića odmah po dobijanju naredbe od Centralne izborne komisije BiH, vodeći računa o obaveznom prisustvu akreditovanih posmatrača.

Tim za otvaranje vreće i brojanje glasačkih listića vrši brojanje glasačkih listića u skladu s procedurama za brojanje utvrđenim u članovima 39, 40, 41. i 42. ovog pravilnika.

Za potrebe ovog brojanja glasačkih listića, izborna komisija će timu za otvaranje vreće i brojanje glasačkih listića dostaviti sljedeći set materijala: obrazac Zapisnika sa otvaranja vreće koji predsjednik izborne komisije ovjerava svojim potpisom i pečatom izborne komisije; odgovarajući obrazac za zbirne rezultate sa kompletom pomoćnih obrazaca, ukoliko se broje glasački listići za nivo otvorene liste; dva plastična pečata za zaštitu vreća i jednu providnu plastičnu manju vreću. Centralna izborna komisija BiH će, za potrebe brojanja glasačkih listića iz ovog stava, izbornim komisijama dostaviti rezervne količine obrazaca za zbirne rezultate za nivoe za koje se provode izbori, koji na koricama imaju naljepnicu sa oznakom „**PONOVNO OTVARANJE VREĆE**“. Sve rezervne obrasce koji ne budu iskorišteni, izborne komisije su obavezne vratiti Centralnoj izbornoj komisiji BiH sa izbornim materijalom.“

U istom članu u stavu (4) rečenica “ Izborna komisija donosi odluku kojom odlučuje da li će proces brojanja glasačkih listića vršiti birački odbor sa tog biračkog mjesta ili poseban tim“ se briše.

U istom članu stav (6) se mijenja i glasi:

**„(6) Po završenoj proceduri pravilnog objedinjavanja utvrđenih izbornih rezultata iz stava (3) ovog člana, a najkasnije 3 (tri) dana do 19,00 sati poslije održanih izbora, izborna komisija dostavlja Centralnoj izbornoj komisiji BiH zapečaćenu providnu plastičnu manju vreću sa originalnim obrascem za zbirne rezultate u koricama; pomoćne obrasce za drugi krug brojanja glasačkih listića po kandidatima, ukoliko je tim koristio pomoćne obrasce i zapisnik sa otvaranje vreće iz stava (3) ovog člana.**

U istom članu u stavu (9) u prvoj rečenici iza riječi „jedinici“ dodaju se riječi „**originalne obrasce sa redovnih biračkih mjesta, zajedno sa svim providnim plastičnim vrećama u kojima su izvodi iz Centralnog biračkog spiska, zapisnici i pomoćni obrasci za drugi krug brojanja po kandidatima.**“

## Član 6.

U članu 67. dodaje se novi stav (1) i glasi:

**“(1) Centralna izborna komisija BiH, nakon završetka ponovnog brojanja glasačkih listića i isteka roka za podnošenje žalbe, odnosno nakon pravosnažnosti odluka, a najkasnije 30 dana od dana održavanja izbora, potvrđuje izborne rezultate.”**

Dosadašnji stav (1) postaje stav (2) u kojem se iza riječi „glasilima “ dodaju riječi „internet-stranici Centralne izborne komisije BiH“.

#### **Član 7.**

Član 70. se mijenja i glasi:

#### **„Član 70. (Glasanje)**

**Glasanje na lokalnim izborima se provodi za nivo načelnika, odnosno gradonačelnika općine, odnosno grada, gradonačelnika Grada Istočno Sarajevo u osnovnim izbornim jedinicama: Sokolac 121B, Istočna Ilidža 132B, Istočni Stari Grad 138B, Istočno Novo Sarajevo 140B, Trnovo 142B i Pale 144B, općinsko vijeće, skupštinu općine odnosno skupštinu grada po proceduri utvrđenoj u članu 15. do 32. ovog pravilnika.“**

#### **Član 8.**

U članu 71. dodaje se novi stav (4) i glasi:

**„(4) Ako izborna komisija nije u mogućnosti da pravilno objedini izborne rezultate zbog nepravilnosti koje je napravio birački odbor, postupit će u skladu sa članom 62. ovog pravilnika.“**

Dosadašnji stav (4) i (5) postaju stav (5) i (6).

#### **Član 9.**

U članu 72. riječi „tačka b“ zamjenjuju se riječima „tačka c“.

#### **Član 10.**

U članu 73. stav (1) dodaje se nova tačka b) koja glasi:

**„b) gradonačelnik Grada Istočno Sarajevo u osnovnim izbornim jedinicama gdje se provode izbori i“**

Dosadašnja tačka b) postaje tačka c).

#### **Član 11.**

U članu 75. dodaje se novi stav (3) koji glasi:

**„(3) Glasački listići za gradonačelnika grada Istočno Sarajevo pakuju se u ŽUTE ZAŠTITNE VREĆE tako što se u njih stavljaju:**

- a) prebrojani važeći glasački listići i nevažeći glasački listići,**
- b) providna plastična vreća u kojoj je koverta s Obrascem za zbirne rezultate ZR (većinski glas) – plava kopija.“**



Dosadašnji stav (3), (4), (5), (6), (7), (8), (9) i (10) postaju stav (4), (5), (6), (7), (8), (9), (10) i (11)

U istom članu u stavu (4) koji je ovim izmjenama postao stav (5) iza riječi „gradonačelnika grada“ dodaju se riječi **„gradonačelnika Grada Istočno Sarajevo u osnovnim izbornim jedinicama gdje se provode izbori“**.

U istom članu u stavu (6) koji je ovim izmjenama postao stav (7) iza tačke b) alineja 4) dodaje se rečenica koja glasi:

**„U osnovnim izbornim jedinicama u kojima se provode izbori za gradonačelnika Grada Istočno Sarajevo u alineji a) i b) dodaju se kopije, crvena i zelena Obrasca za zbirne rezultate većinski glas za gradonačelnika Grada Istočno Sarajevo.“**

U istom članu u stavu (7) koji je ovim izmjenama postao stav (8) iza tačke a) alineja 3) dodaje se rečenica koja glasi:

**„U osnovnim izbornim jedinicama u kojima se provode izbori za gradonačelnika Grada Istočno Sarajevo u alineji a) dodaje se original Obrasca za zbirne rezultate većinski glas za gradonačelnika Grada Istočno Sarajevo.“**

U istom članu u stavu (9) koji je ovim izmjenama postao stav (10) riječi „stava (7)“ zamjenjuju se riječima **„stava (8)“**.

#### **Član 12.**

U članu 91. u stavu (1) iza tačke k) dodaje se nova tačka l) koja glasi:

**“l) Zapisnik sa otvaranja vreće.”**

#### **Član 13.**

Iza člana 91. dodaje se novi član 92. koji glasi:

#### **“Član 92.**


**(Obaveze učesnika u izbornom procesu)**

**Svi učesnici u izbornom procesu će aktivnosti propisane ovim pravilnikom provoditi po preporukama i mjerama koje su propisane od strane nadležnih organa u Bosni i Hercegovini za vrijeme trajanja stanja prirodne nepogode i druge nesreće, odnosno vanredne situacije.”**

#### **Član 14.**

Ovaj pravilnik stupa na snagu danom objave u „Službenom glasniku BiH“, a bit će objavljen u „Službenim novinama F BiH“, „Službenom glasniku RS“, „Službenom glasniku Brčko distrikta BiH“ i internet-stranici Centralne izborne komisije BiH [www.izbori.ba](http://www.izbori.ba).

Broj: 05-1-02-2-389-1/20  
Sarajevo, 06.05.2020. godine

  
Predsjednica  
Vanja Bjelica-Prutina

## ZAPISNIK SA OTVARANJA VREĆE

### Popunjavanje predsjednik izborne komisije

\_\_\_\_\_  
Broj BM

\_\_\_\_\_  
Nivo

MP

\_\_\_\_\_  
Predsjednik IK (potpis)

### Popunjavanje vođa tima za otvaranje vreća i brojanje

Vođa tima (ime i prezime i potpis) \_\_\_\_\_

Član tima (ime i prezime i potpis) \_\_\_\_\_

Član tima (ime i prezime i potpis) \_\_\_\_\_

Član tima (ime i prezime i potpis) \_\_\_\_\_

Član tima (ime i prezime i potpis) \_\_\_\_\_

Datum otvaranja vreće: \_\_\_\_\_ Vrijeme: \_\_\_\_\_ (sati) \_\_\_\_\_ (sati)  
(početak) (završetak)

### Broj pečata zaštitne vreće

Od biračkog odbora (u boji): BA \_\_\_\_\_

Od tima za otvaranje vreće (u boji): BA \_\_\_\_\_

Za Centralnu izbornu komisiju BiH (manja providna): BA \_\_\_\_\_

### Evidencija posmatrača

Posmatrač (ime i prezime)	Broj akreditacije	Posmatrač (ime i prezime)	Broj akreditacije

**Značajna zapažanja tima za otvaranje vreće i brojanje**

**Mišljenja ili primjedbe posmatrača**